


 BIBLIOTEKA UNIWERSYTECJI KRAKOWIECZESKIEJ	14199	
	III	Mag. St. Dr. P

Michael

*Canonicus Francisci Felix sagittae Driatyn
 anae ad immortalitatis metam imp
 tus.*

PANEG. et VITAE
 Polon. Fol.
 № 241



F E L I X

Sagittæ Dziatynscyanæ,

A D

Immortalitatis metam,

I M P E T V S.

Ad Iusta Funebria,

Illustrissimi olim, & Excellentissimi Domini,

141997

D. MICHAELIS

à D Z I A Ł Y N

D Z I A Ł Y N S K I,

Palatini Culmensis, Coualouiensis &c. &c. &c.

C A P I T A N E I.

D U M

Magni Spiritûs eius exuuiæ,

Vltimo pietatis Christianæ obsequio,

tumularentur;

^A
FRANCISCO CANTELLI,

Philosophiæ & Eloquentiæ in Vniuersitate Cracouensi, Auctore,

dolenti calamo & obsequio

DEMONSTRATVS.

Anno Domini 1687. Die 10. Iunij.

C R A C O V I Æ,

Ex Officina Francisci Cezary, S. R. M. Illustriss. ac Rndiss. Dñi. Episcopi Crac: Ducis Seueriæ, Necnon Schol. Nouoduorfc, Typogr.

J. XIX 42.

30.

I N
GENTILITIVM INSIGNE,
ILLVSRISSIMÆ DOMVS,
DZIAŁYNSCYANÆ.



DZIAŁYNIAM rapidè, sursùm volitare SAGITTAM,
Non mirare ; etenim, serpere nescit humi.
Ocyùs, astriferas è terra tendit in oras,
Nam viles metas, nauscat illa soli.
Hinc frustra Stygias mittis Libitina SAGITTAS;
DZIAŁYNI laculo, spicula nulla nocent.

Illustrissimis & Magnificis Dominis,

D. STANISLAO
DZIAŁYNSKI,

Kiszaiensi &c.

D. CAROLO
DZIAŁYNSKI,

Lancorcensi &c.

CAPITANEIS,

Palatinis. Culmensibus,

Patronis Dignissimis.

Ingentem doloris magnitudinem, Mæstissima pectora
Vestra aggrauantem, nemini quidem iustus lachrymarum
lymphis exequare, aut lenire aliquo temperamento, concess-
sum est: tamen Illustrissimo Parenti Vestro, Vos parentan-
tes aspicere Vultu non rorido; Vix humanum esse censui. Illustrissimi
& Magnifici Domini. Quidni luctari debeant heroica pectora Vestra
cum atrocissimo dolore? cum vnicum solatorum Vestrorum incremen-
tum, animorum delictum, vite honorumq; norma, augustorum operum
idea, dulcissimus Genitor, cordibus Vestris ereptus sit. Intensus certè ani-
mi Vestri mæror; quia fortis ut mors filialis dilectio Vestra, cum Illustris-
simum suum Parentem à se diuisum experiatur, etiam corde non scindi,
prodigium existimaret. Optimi aureiq; Patris, verè optimi & aurei Filij
nouo Bolestai exemplo, iam non imaginem Genitoris, sed ipsum in pectore
vium gestare desiderio flagrabatis. Sed & nunc præter Vocorum Vestro-
rum placitum, cum vite stamina, nulli parcentes Parca illi præcidissent;
& Vos cum Artemisia in vobismet ipsis Mausoleum, dulcissimo vite Au-
ctori, certè meliori adhuc ingeniosi amoris Vestri inuento extrueretis. Non
mitigat etiam, sed accumulât luctûs materiem, orbata suo Marte &
Conso

Conso Polonæ Respublica: pro qua fulcienda, infractæ fortitudinis Hercules, cessauit Gentilitias Manus extendere: cessauit ei insultantes hostium cateruas profligare: cessauit plus quàm Catonis grauissima Oracula fundere. Profectò maximum doloris pondus: nasci enim Herdás, rara seculorum felicitas est; quidni eripi eos doloris excessu constet? Ac potissimùm hoc tempore, quo nos tot malorum balistis fata perurgent; tot erumnarum farragines circumstant; ut vix Sisyphæ huic malorum molli, tot Atlantes sufficiant. Lethale tot amantium cordibus infixit vulnus Libitina; cùm Corculum Sapientie, istu suo prostrauit. Ferales deuinctorum mentibus, iniecit compedes; cùm furore suo, tantum Mecænatem eripuit. Utinam nobis adhuc Pylio prolixior æuo, faustiores soles numerasset: utinam è votis eius, compos votorum suorum Patria extitisset: utinam grandis Aquila Pullos suos Nobilissimos, ad similes honorum & facinorum volatus, excitasset; & diutiùs exercuisset. Sed inuidia factorum sors, summis negauit stare diu. Non fatiget tamen adedò vehementer acerrimus dolor, filialia Vestra pectora; Illustrissimi & Magnifici Domini. Restat tanti mæroris leuamen, quod atroci Proserpine non cessit in spoliū: Illustrissimi olim & Magnifici Domini, heroica virtus. Cuius simulacrum; tot viuis operum augustorum lineamentis; quot tropheis, Gentilitia Sagitta insculpsit & exarauit. Intaminata illa, inter mortis squallores rutilat: clariore radios spargit, etiam intra mortalis Sarcophagi caliginem. Viuit adhuc, Illustrissimus & Excellentissimus Dominus, quem Gentilitie Manus, per magna facinora, viuum Emphyreo intulerunt: imò in Vobis Illustrissimi & Magnifici Domini æternis temporum interuallis viuet. In Vobis magnitudo illa, & tanti Herois ac Palatini, animi quedam summa gratia reuiuifcet. Hoc igitur lenimen mestissimi pectoris, ab eo, qui Illustrissimi & Excellentissimi Domini Parentis Vestri, & Vestris, vnà cum Parente suo, beneficijs & gratijs obstrictus, etiam luget, accipite. Implete pro eo Orbis Sarmatici, desideria, gemini Tyndaridæ; mille solatijs, pro hoc dolore. Vos boni Superi Illustrissimo Parente orphanos, bonis omnibus cumulent atque impleant. Quod ego intimo pectore Voueo.

Illustrissimarum & Magnificarum Dominationum
Vestrarum

Cliens deuinctissimus

FRANCISCVS CANTELLI,
Philosophiæ & Eloquentiæ in Vniuersitate Cra-
couiensi Auditor.

F E L I X

SAGITTÆ DZIALYNSCYANÆ

I M P E T V S.

Date lachrymas, tristes Melpomene & Niobe!
Heraclitum nunc agere oportet.

*Infauſta mortalium fauſtitas,
nouos dolores ac ſingultus excitat.*

Quæ crudelis ;

cùm maximè ſecuros ſuos Polocrates facit, maximè timenda eſt.

In vita,

Vnus felicitatis pugillus, tot laborũ emptus medimnis;
in ipſa ſui grata poſſeſſione, eripitur.

Honor ipſe, Virtutis præmium, horror eſt.

Hinc illi,

*qui ſtrumam Dibapho contegunt,
miſerè ſplendent :*

quia altiùs elati lapſu grauiore ruunt.

Nempe:

magni ſunt ex alto caſus.

Satiùs autem itur per plana;

Lubrica in ſummo ſtatio eſt.

Plurimis Tarpeium Saxum dignitas fuit;
etiam cautus allifus eſt ad has Cautes.

Heroicos animos, cùm nulla vis Vincere & Vincire potuerit ;
Vicit & Vinciuit aureis catenis honor.

In quo purpurata mancipia

in apicum

ærumnarum, & mortis telis confodienda extolluntur.

Atque ſic,

cui mendax boni alicuius ſors,

B

primùm

primùm applodit, mox supplodit, demùm explodit.

Heu quàm periculosa in vitta vita!
In tot excubantium satellitum custodia,

seriùs detenti honoris vincti:

Multos timent, dùm eos multi timent.

Et quod rei cardo est,

ipsa illi

Mors grauis incubat, qui notus nimis omnibus est.

Currules, Solia, Mitræ, Sceptra, Diademata,
ferali taxo, ligonibusque atris à Proserpina æquantur.

Species Priami digna Imperio,

in ipsa Maiestate & Serenitate,

Cimmerijs tenebris inuoluitur.

Quæ sublimi feriunt sidera vertice;
ea mors virulentis suis iaculis sæuiùs prostermit.

At

obsistit hisce nefandis iaculis, Numinis portio virtus.

Sola hæc,

Mortales efficit immortales.

Et Tu,

extra iacula mortis, licet defunctus, positus es;

Magne Achilles Sarmatice:

Illustrissimè olim & Excellentissimè Domine,

D. MICHAEL DZIAŁYNSKI

Palatine Culmensis &c.

Gentilitiam Sagittam Tuam,

aculeis communis Prædatrix Tyrannidi opposuisti:

quia mortalis quidem, nihil mortale fecisti.

Quod olim Herculi, idem Tibi subscribimus:

In cunis iam Ioue dignus.

Pusio Giganteum animum gestasti.

Novit Sagitta Tua

Plus Ultra.

Suppleuit in puero, Virtus ætatem.

In qua,

In qua,

*Pietatis tam pulchram Anthithesim iunxit ;
vt virum in puero ferres, autumnū in vere faceres, Meridiē in ortu creares,
seriem ipsam in exordio proponeres.*

Factorum, Honorumque cursum, præcurrit pietas.

Hinc;

Hastas Palladis benè noscens, Gentilitiæ Sagittæ quadrare:

Ephebus Phæbo dignus,

in Archiathenæo Cracouiensi, illi militasti:

moram in studijs non traxisti.

Quem iam pulchris Indoles instruxerat moribus:

Gloriosè cum pharetrato Apolline,

per Academi sylvas spatiatus;

vt Gentilitium Telum, vltra auitam virtutem ferret.

In Regnum Liliorum transuolasti,

in quo

tot Patriæ, Familiæq; delicias,

Gentilitijs manibus, Lilia plenus carpsisti.

Vt meritò;

de Gentilitijs armis Tuis, illud occinendum fuerit:

Mauortia signa rubescunt

Floribus, & subitis animantur frondibus haste.

Claud.

Iam verò,

ad exoticos Soles, genuinus Sarmaticæ Aquilæ pullus,

Sagittam suam,

ad suetam Illustrissimis Maioribus Metam fixit.

Non soli iam Parthi, Getæq; Sagittis metuendi.

Non tam scitè Scythæ, mittunt iacula:

Quam aptè;

Dzialynsciorum Sagitta, tot in hostibus hæ sit.

Ipsa autem, nunquam meta fuit, nisi honorum:

quòd si etiam hostium extitit; certè non sine illorum ictu.

Macædoni quondam prælianti,

Lucem obnubilent Sagittæ.

Dzialynsciorum Gentilitia vna;

tantæ Virtutis fuit:

vt Lunæ Odrisiæ, non semel lucem eripuerit.

Ab hac Sagitta;
Sarmaticæ Campaniæ Prædo & Hannibal, Regni nostri fucus,
Carolus Gustauus,
primum fel in Prussia gustauit.

Adeò Illa,
pro Deo, Regibus, & Legibus acuta;
ut nulli hostium scopuli, ipsi imperuij extiterint.
Prodiga, & verè animata Sagitta,
quæ proprij peculi j motu, toties per hostium viscera volauit.

Nempè:
Ipsa sibi virtus præmium est.
Altiùs tamen,
tot laureis victricibus, in Sago redimita, euolauit;
dùm Senatoriæ Dignitatis Currules, attigisset.
Numerà 38 ex hac Domo Palatinos,
Nicolaum de Koscielec, Palat. Inowloclauensem,
Nicolaum, Palatinum Pomeraniæ,
Ioannem, Palatinum Culmensem,
Gasparum, à Dzialyn, Dzialynski, Palat. & post Episcopū Culmensem.

Et
inter Palatinorum, Castellanorum, Ensiferorum, Pocillatorum, Regni Centurias;
Illustrissimum & Excellentissimum Dominum
D. MICHAELEM DZIAŁYNSKI
admirare.

Omnium Pandoram egit.
Maiorum facta, proprijs adæquauit.
Arcòpagus Lechiæ, Lublinum & Petricouia,
Palatinatus Culmensis,
Publici Conuentus & Comitia,
Suum Cineam, Tullum, Patriæ Parentem, Catonemq; Venerantur.
Quia nunquàm satis posteritati prædicandus est.
Inscribit tamen, adamantino caractere,
vel ipsa Metropolis Cracouia,
suæ Gentilitiæ Portæ;
sui Michaelis, peraugustum Nomen.
Quia firmiùs rati sunt, stare eam Cracij Incolæ:
pro qua;

toties in Comitij Generalibus, ipse Michael decertauit.

Vrbis

Vrbis huius, commodorum & immunitatum bases,
aliquantisper, aliquorum labi factare voluerunt impetus:

Stetit pro sua Troia, nouus Apollo.

Venit in adiutorium MICHAEL.

Gentilitijs manibus fulciuit.

Imò, vt melius fulciret:

Totius Augusti Palatinatûs sui manus,

in vnum congeffit:

vt sic plures plura facerent, & fesso Atlanti, succederent Alcides.

Vtinam in posterum, huic Augusto Palatinatûs cetui.

pares votis Lucina edat Palatinos.

Vtinam vos, Diuinum Numen, Inclyti Palatinatûs huius Ordines,
honoribus, felicitatibus, cumulatos, æternæ seruet posteritati,

vtinam magna, & toti nota Orbi Vestra Opera,

Cælesti Zodiaco inferantur

Hoc medullitûs effundit Votum,

Regiæ vrbis Filius.

Interim;

Basilicum MICHAELIS Nomen, capere intra angustias suas impotens silet.

Nempe:

*Ilias hæc augustæ eius Familiæ, prudentiæ, dignitatis, heroicorum operum,
nucleo se non facile credit.*

Præclara enim eius Facinora,

Phosphorus, Mæotis, Volga, Tyras, Borysthenes, non ignorat.

sed quid de illis dici potest?

quæ Cælites Ipsos

Odrowazios, Prandoras, Vincentios, Kostulos,

Consanguineo nexu, attingunt.

Quid opus encomijs?

Hostes ipsi celebrant, Dziatynsciorum illustre Nomen.

Vnum Dziatynsciorum laculum,

toties Iouî Polono, contra mille Gigantes, pro fulmine fuit,

Nec modò Libitinæ impetu hebetatum crede.

Ictus mortis non horruit, quod viuaci & immortalis famâ,

Orbem impleuit.

Imo:

Nulla prius Vasto labentur flumina Ponto,

Annus & inuersas, duxerit ante dies.

quàm ad scopum immortalis gloriæ, desinet collimare.

Nec in Illustrissimo & Excellentissimo MICHAEL E,

C

à præ-

a præcelso conatu sisti illud dicere fas esto.
Sublimiùs enim tendere, cum spatium quodam modo deesset,
æternitatis amplissimum scopum, sibi quæsiuit.

Et quanquam:

Mortalium nemo errauit ad sepulchrum.

hoc in passu Parcæ frustratæ sunt.

Nam nihil hîc Illustrissimi Palatini est, præter Heroicos Cineres;
quos, nè totus Patriæ abesset, in solatium reliquit.

vbi enim Michæel mansisset, nisi in Cælo?

Ab ipsa morte vitam inchoauit.

Non est illi maius solatium mortis, quam ipsa mortalitas.

Viv enim bonus etiamsi moriatur, viuit.

Et boni moriuntur, et viuunt.

Quodsi tamen Libitina Heroi nostro, quidquam nocuit,
certè iniuriam sibi fecit.

Siquidem, Herculeâ eius fortitudine, plures ex hostibus cæsis,
prædas habuisset.

Maiorem illum effecit prosternendo.

*Nam Magni Herodës sunt, velut prostratæ Turres, maiores apparent in casu,
quàm dum stetere.*

Prodromâ igitur suâ Sagittâ;

capiat iam, incomparabilis Orbis Sarmatici Atlas, Regum delictum,
Senatorum vnio, Ætherèas Domos.

Et quidni capiat Cælum?

*Ad quod tenendum, semper extensæ sursum Gentilitiæ Manus,
prominebant.*

Imò carus Cæli Sponsus;

Gentilitio Annulo, iam pridem sibi Diuos desponsauit.

Cui;

vulnerata, eius absentia ergò, omnium Ordinum

Pectora;

Æternum in Beatorum Patria scopum,

apprecantur.



Biblioteka Jagiellońska



stdr0015374

